

# FLOREAN DAL PALAZZ

## AL SALTE FUR LA JOIBE

A CINO CENTESINS IL NUMAR. — BEZ SUBAT

Si vend a la librerie L. Ferri, all'Edicole e dai Tabachins in Marciatvieri, in piazze Centarene e S. Bartolomeo.

### Abonamens:

Par un An quatri francs; par 6 mes doi francs;  
Par l'estero il dopli.

### Inserzioni:

Intindisi cu la Redazion. Manda letaris al sempris  
indirizz: **Aminst. Florean dal Palazz — Udin**

## UN SOSPIR, UNE PREJERE

Chesta aspirazion par jessi esaudide dipend in dutt e par dutt dal Vescul, e jo puare desolade, dopo vè consultadis lis mes compagnis e consurs, indegne di presentami a chell sant omp, che al è Monsignor Berengo, ho hai decidut di cioli par intermediari Sior Florean, onde la mè vos arivi in sin a Lui.

Monsignor! che al mi scusi, ma la hai fate gruesse cul rompi, cul disfa chell nucleo, come che al varesse ditt Denel Cernazai, che al si jere format e stabilìt a Santantoni, di feminis bensì, ma compat fervoros, e eficaz par di finì l'Autoritat dal Vescul, e dutt chell che podeve interessà la religion.

Crodial Lui, che San Spirt al fos lat di mal se Santantoni al si fos mantignut tal so decoro, cul lustro di prime, e sott la direzion di chell distint personagio, che al jere Pre Zulian? No, no, parceche fra lui e noaltris agregadis, varessin savut bati fur e bez e cambials, e zois di cuviarzi dotis lis magagnis e che fossin stadis anca plui grandis!

Al è ver che in Domo, a la Puritat si ha volut, ei ha crodut di supli a la disgrazie di Santantoni, ma chest ripiego, (che la tegni ben a mens) no l'è stat altri che un dispiett, un puntiglio par faje tigni ed insegnà al Vescul che lis feminis buinis. Fiis di Marie, e Maris Cristianis, son lor, propri lor e nissun altri che difindin cun fuarze i catolichs interess delle une e delle altre specie.

Al è anca ver, che lì si son unis quatri cing predis par sostigni la barache; ma indugg no valin une pipe di tabacchi in confront di Pre Zulian, che, (basti il di) al si è fatt Gesuit par dimostrà il grad de so bontat, de so sapienze, e dal so spirit religios, che noaltris lu clamin *spiritu superior*, e che nissun lu comprend se non lis animis capacis di comprendlu.

Dunce, Monsignor, siccome Lui al ha fatt benon

cul salva e ben interpreta la part di *Marta*, providind ai siei interess cul tigni al so servizi il nevot dal defont Arcivescoul; (di cui mai sarà celebrade abastanze la modestie e la sapienze, a onte di dutt chell che al è stat stampat su l'*Esaminator*) di vè scelt par consulent l'avocat l'altri nevot, che nol disdegni di fa, apce la par di Madalene, cul danus i vantaz spiritual, che podareassin vè, se nus fos restituit chell omp spiritual fin tai uess, tal mangià, tal ciaminà, che lui si ha lassat soampa, cioè che al ha socat vie, par cause des ciativis lenghis, e dai predis framassons, si dai framassons e che Dio lu uardi di ciadè tes lor mans, e sott i lor consels.

Dunce, par la seconde volte, che nus sei restituit Pre Zulian a Santantoni, anca a dispiett dal plevan de Madone, e lu garanties, che a la prime clamade, anzi a un sol ceno dal superior al sares disponut a *fa la so proprie e sante voluntat*, vadi chell che si sepi là. Ah...! ha...! che si lu rielami! e cussi si tornarà a fa une triade, che provederà al temporal e al spiritual, i uess tornaran al so puest, resteran vintis lis fuarzas da l'infir, il vescul al sarà in une bote di bronz, lis podestas da la tiare resteran confondudis, si distruzerà il chi-rografo, ossei il programe di Pasian di Prat, e che la yada. Coragio Monsignor! Avant, par davanti o par daur, e puare nje.

*Une devote.*

## CORISPONDENZE DI FLOREAN

S. Denel 22. maj

*Dilett Florean.*

Cul cur in giubilo ti anuzin che un pais vicino l'è stat teatro di une gran feste.

Doi sposos, che formia quasi un secul e miezz, han fatt la lor sospirade union.

Si, Florean miò! Lor e uelin fa vivi il mond, lor belin da soldas a la patrie, insime uelin vè une creature di stenzial cur, uelin vè un erede!

*Lordin, de feste, al jere stupend.*

Te sabide di sere, i pizzul abitans di chei paraggio, si faserin une serenade cun violins, covertoris e altris delicas strumens. Ma cheste no jè stàde che una robe in pizzul, mancavin dai professors foresg, chell no l'è stat che una prove, par acorda i strumens.

Domenie di sere e jè vignude una rapresentanze dai ciasai ca e la cognozins de spos. Dutt riunit, cun balons, ferai (a suste e senze lastris,) lerin su e ju pal cors principal sunand i strumens cui olàss, fasijn cori pal pedrat, batint lis covertoris, zigand cun gentilezze: *fora i sposi!* ecc. ecc.

Eunì, come Domenie, gnove dimostrazion di giubilo borghesan. Gran serenade, sott i balcon, cun vas di petrolio, marmitis, e altris delicas strumens. Gran discors, pronunciat da un prin ileterat dal pais i sposos, par sorte in chell moment, si curavin i ding tal jett, altrimenti si jere sicurs di viodin sul pui principal.

Quand che jè stàde une ciarte ore, i sunadors butarin i strumens sui cops, e si scioizerin.

Se Dio nol mett ripar, si proviò che i sposos saran festegias continuamente, fin che al sposo i vegnarà la voe di disarmadassi.

Lis pivelis dal pais han stabilit fra lor di fai une sorprese di ca nuv mes. Jo riten che di ca a nuv mes, no si po spietassi che un pizzul erod. Duncè, si sta poc a induvinà, che lis sudetis varan preparat cui uhe scufe, cui un panisel, cui altris robis che si dopre pal bambins. Jo, par contmiò i regalara; une bieie scune.

Speciassì zoventut, é no stà a confrontà i uestris lamis spozalizzis, cui trionfos che si oten a maridassi un poc stagionas.

In càs che lis festis vessin di cambià programa, ti tignarai informat. Se par sorte, i sposos vessin di butà pal balcon un qualche regal, tu suras visat e tu vignaras ance tu te frae.

*Ti saludi starai ben.*

*Un de cumission.*

Palme 30 maj

*Ciar Floreanùtt*

Cemud statu? Al à tant timp che no si viodin: ma jo sperì che ti sedì passat chell maledett di ralfedor. Bisugnaress, cumò che jè la bieie stagion che tu vignissis a Palme a ciatami e par podè di che strade viodin di curiosis e di bielis. Ti spieti a brass aviarz. Florean miò, bisugne che tu vegnis vistut di feste. Tu metaras une covertorie gnove e lustre e un ciapiell da brasalgir cui penacio fin al zeuoli. Ti assicuri jo, che tu faras furors.

Par podè otigni ance noaltris qualche ciosse da lis bielis fantàzinis di Palme, bisugne che si viedo ance noaltris di caporaluss e di sergentuss. Tu che tu ses stat simprimatt, sott l'égide dal ciapiell da brasalgir, tu podarressis conquista tantis ninfis. Folc che mi trai no ise curiose Florean? E lian reson di di, che lis feminis e son volublis, che son tang sgurli e ce sao jo. Corpo di che madote! Bisugne viodi a Palme se no jè vere. Che altre sere jo levi a spass. Al pioveva, che Dio la mandava, jo o jeri senze ombrene, parceche la vevi lassade in pegn in t'une ostarie. O rivai dunge un pipinott di chei ator la piazze, tu tu cognossaras al è chell tò ami ch'al sta dunge il Domo. La ti viodai un sargente dai brasalgirs c'al stève cujet onjet sul cianton de contrade. Voi indenant quatri pass e o sint come un rumor di bussadis, mi volti indaur e o viod una fantate da l'alte sozietat dal sang blu, une di ches che no si degnin di ciala nissun, che slapagnave la muse dal militar. Apene bussat e jè sciampade drenti in une puarte che jere poc lontan.

Corpo di une saeta o soi restat di clapp!

Un'altre sere passand denant il lug dal Contabil o viodai la solite siorute, in grande tignude, che fevelave cul brasalgir. No ti dirai, Florean di ce robis che fevelavio, parceche tu ses matt, tu ti metaressis a ridi o Marie Luigie che jè cussi curiose ti domandaress parce che tu ridis e tu, tui spifararessis dutt, e jo desideri che nissun sepi nuje.

Pazienze, corpo di chell cran, se fevelassin lis sartorelis, lis tos simpatiss; ma quand che fevelin i piez gruess, figuriti Florean miò!

Rivai t'un'altre strade. O viod doi sargentes, un al tignive sott il brass une fantate, chell altri al tignive abbrassade la mari de frutate e i fevelave t'une orele. Corpo d'un canon!

Duncè Florean, ti spieti in divise, come ti hai ditt, e tu viodarass che o vin di viodin di curiosis, di strepitosis e di grandiosis. Saludimi Marie Luigie, miò copari Vinturin e disi s'al po vigni ance lui a fa une sciampade, ma disi che al vegni in divise ance lui e che al impari a fevela toscan o par milanes, che alore cul al farà furor, altrimenti si larà in pericul di aquistà des buinis sgrifignadis. Saludanti cun dutt il cur ti prei a erodimi simprim il to fedel.

*Pacio.*

## DA LA ZAE DI FLOREAN

O ricev:

« In chest timp di colere, cumò che dugg e proviodin il mud di tigni lontan chest flagell, mi è

stat mostrat un zigar Verginie che al è manipolat in maniere di fa vigni altri che il colera, a chell disgraziat che al ves vut la sventure di fumalu!

Par fortune che l'acquitent lu ha, come si diis, spontat, e alore...oh maravee! si son presentas a la viste un grop di ciavei, (almanco m'immagini che sedin ciavei), di che femine che ha fatt su chest famos zigar.

No baste che il fumà al coste un voli dal ciav, ma che si vev di spindi par intosseassi, chesto è jè une ciosse oribil, e il Governo, sott la responsabilitat dal qual sta la manipolazion dai zigers, al dovaress viodi che no succedessin di chesg... inconveniens.

O ten il famos zigar a disposizion dal incredul pront a dajal pal nas ajeu che vpress meti in dubi la veretat di quant o hai contat.

O ricev e o publichi;

*Ciar Florean*

« Jo ti hai vidut, tal to sfuel, simpr bon ami dal puar plevan di Redentor, parceche al veve istituit lis Ancelis, lis ils di Marie, e ches altris fetis che cumò si scaldin il ciav i neris! Ma a diti il ver devi confessà che tu ses stat ne just nè leal tai tiei giudizis, vedint atualmentri ance il vescul che al lavore par chesg trucs. Un tal professor, veve reson di jessi inviperit cuintri il Plevan, avind chest dite une ciosse al sodett, e poi fate un altre: ma tu, dimi, se displazes astu vut da chell biell omp che a la fin, la so idee jere che di aduna des frutatis che stessin cun lui, e che imparassin a ciantà, a volei ben, e a jessi guida-dis da lui, che sicur no lis lasse, e ne lis lassara tirà mal. Tu, no tu cognossis il mal che tu has fatt, cu la to lengate, e invece di ve il sol plevan che al tiri donge chestis puaris stupidis, tu has suscitāt un vespar, in mud che no un plevan, ma fur che doi a Udin e son dugg occupas a crea chestis confraternitis di miezis sacerdotessis di Venere. E al è perfun il plevan di Mortean, un altri matt de basse, e altris de alte, di oblea chestis puaris creaturis a mantignì la virginitat, e par metilis all'impegno lis oblein a la comunjon ogni di, e cussì.

Sicome poi chest biel ritrovato al è sostignut ance dal Vescul, di cui tu as fevelat maraveis prime che al vegni cun no, jo ti sai a di che al è stat a fa la funzion par chestis confraternitis in Bordolee, in Grizzau, al Redentor, a s. Cristoful, e joibe al vignara a la Puritat par crea la Compagnie di ehertis maris cristianis col centro.

Florean, al è costrett a rispuindi che chell altri che lu clamavin *contadini*, al si mantignive almanco in dignitat, e se al leve ator, nol leve par fa che-

stis pezzotariis di ciossis veramentri di poc, e se al diseve tant ben dal vescul di Mantua, nol saveve che ance la al ha fatt ches nainis istesis di ca, e che al continuara finche al ha ches conseils pesmans. A chell che al scriv, puar Florean al devi di che al ha reson, e che prime di giudica un omp o une femine, si devi provave, massime al di di ne, che al è in dugg un spirit di ingiana che al consolo. Beas i nestrìs vecios che levin a la buine, e che jerin almanco sincers e sempis. Ho hai sintut di una circolar che jè stampade, la publicar, a onor da l'autor. Brav il mago!

O ricev:

« Domenie prossima, 6 Giugn e jè la fieste dal Statut, che al ten dutt chell che al po, e che al mole dutt chell che nol po tigni; però par dugg i Talians e jè une gran zornade. Parade in zardin, zigers a dugg i soldas che han palanchis in sacchete, e via amircean cul vantaz pai ustirs di quarante centesins al litro. Par i Furlans po, e specialmentri pai Udines e jè dople la fieste, parceche si combine il Beat Beltram gran Patrijarce di Aquilee, mazzat a la Richinvelde, dula che il nestrì benemerit Senator al possed e al comande.

Gran solenitat in Domo, dugg i cialunis vistas a ross come giambars; musiche di no dissi; si fevele anco, che come che jè stade ristabilide la purcission de Prime Domenie di Mai, sarà fate anco che dal Beat Beltram, e se chest al foss (come si dissidere) bisognara averli chei di Pasian, di Zujan, di Puzzui, di Cussignà ecc. e di dutis lis villis di puartassi a Udin par venerà il cuarp dal B. Beltram, cui standars, cros, duplirs e i plevans in cuete e stole; ma... no volin in chest cioli la man al *Citadin Talian*.

Sott il palazz, in osequio a Florean, gran fieste di ball, e beat il capofieste se al si foss limitat a chest sol par rindissi benemerit da la patrie, e che i Furlans ne si dismentein, che la seconde fieste des Pentecostis, e il di di Sant'Ermacore si balle parceche il Beat Beltram, nol voleve malinconis tal so regno, e che dugg procurassin di sta alegris. Chell al jere un omp! — Di Beat olin propri falu un Sant! »

## LETTERATURE DI FLOREAN

LIS FEMINIS QUAND CHE VEGNAN DE GLESE

Lis feminis, che vegnin da la glesie,  
Si fermin des oris a dassi la prese.

Hor discorin dal plevan  
 C'a l'è zentil e unmont uman,  
 Plen di zelo e castitat,  
 L'è propit une raritat,  
 Il capelan, a l'incontrari,  
 Al somee un antiquari,  
 Di chell omp no gan ce fa,  
 Che, al somee un bacalà,  
 Fra chei doi jè diferenze,  
 Un l'ha panze, e l'altri senze.  
 — Jesus! diis siore Catine,  
 Lassa sole la barabine,  
 Il miò giatt, il miò Pinell  
 Farà gnòzie cul vidiell  
 Il miò omp, par guiderdon,  
 Al mi ciarezze cul baston.  
 Alssi mett a bastonami  
 Parceche al giatt, no hai tindut;  
 Cun promesse di rifami  
 Di dutt chell ch'al l'è piardut.  
 Il miò Toni l'è un galantomp,  
 Masse ami, dal so baston.  
 — Ance jo, spì disgraziade  
 Cu la int c'hai difazade;  
 Ma la lenghe, a mi no mance,  
 Par lustral ben ben la panze.  
 Jè mi ciale di brutt voli,  
 Come stirpe di pedoli.  
 Jo par ch'est no fas rimarch  
 Ollod ben a chell stor Marc  
 Jo lu cuchi in scuindon,  
 Par la sfese dal baloon  
 Par l'amor di puar s. Vit  
 Che no visin miò marit  
 O mi sint zà dai rimuars  
 Par vei fatt un par di cuars.  
 Siore Cheche paronute  
 Corr a viodi de me frute,  
 I racomandi segretezze,  
 Cu la siore so contezze.  
 A proposit, siore Cheche  
 Come stae la so confesse?  
 — Inrabiade, furibonde  
 Va pes ciamaris in baraonde,  
 Par che il giatt indiaulat,  
 Il baticul j'ha sbrindinat.  
 La sartore sguardufade  
 Ja dat ju une frizade  
 E il giatt di alegrie,  
 Ance il so i puartè vie.  
 La sartore sgomentade,  
 Cu la siore inrabiade  
 I fas viodi cun roson,  
 Che il so giatt l'è un gran bricon.  
 Siore, siore benedete,  
 Jo j'al dis cun lenghe solete,  
 Come fasio o comodaln....

Uel rompilù... uel sbrindinalu!  
 Mi costè poc... une viltat,  
 Son dal pezos che hai ciatat.  
 M'al fas reclam e gran figure  
 Cui se metilu a piture,  
 — Siore Cheche benedete,  
 La saludi a la solete,  
 Devi cori a precipizi  
 Par vè pront chell tal servizi.  
 Son plui oris che discorin,  
 E sin simpri sul prin s-cialin.  
 Miò marit cul bacalà  
 Soi sicure di ciata  
 Ju pé schene lui m'al peste  
 Fin che rosse al ha creste.  
 E par segno di perdòn  
 Mi sune il rest cul so baston.  
 — Siore Catine, i racomandi  
 Di grazie, a no pandi,  
 Se la siore contessine  
 Mene il cogo in cantine  
 Jè, lu inafè di bon vin  
 Fin che i bat il curisin.  
 La massaris, innamorade  
 I sta al pel pe fereade  
 Jè lu tirè, jè lu strangole  
 Di vignimi ance a mi gola  
 Il paron, dutt sgiavelat  
 Pe camarele l'è imbacucat.  
 Cun mill mancis e mill promessis  
 Lul viodli lis giambis dretis.  
 La parone sbeletade  
 Mi somee une mantecade.  
 Schizze un voli al camarir  
 Par che i lassi un so sospir.  
 Il paronzin, plui berichin,  
 Tufe la man tal miezz dal scrign.  
 Ma par altri di scuindon  
 Nol sparagne il pizzigon.  
 — Siore Cheche in conclusion,  
 Devi cori a tombolon  
 Un poc lungiute la question  
 Siore Cheche.... cun pardon.  
 — La saludi siore Catine  
 Che mi bussi la ninine.  
 Che saludi il so biel omp,  
 Che la stizze cul baston.  
 — Cui sa se che mi toce  
 Se mai viarzess la boce  
 Di scuse, al miò bon omp.  
 Pardon, pardon, pardon.

Chechin

VINCENZO LUCCARDI, direttore responsabile.

Udin, 1836 Stamp. A. Montalban